

**UGOVOR BR. 88 / 07
O SNABDIJEVANJU PRIRODNIM GASOM**

zaključen dana 16.07.2007. godine u Sarajevu

između ugovornih strana :

1. **" Sarajevogas " d.o.o. Sarajevo,**
Kantonalno javno komunalno preduzeće za snabdijevanje prirodnim gasom,
ul. Muhameda ef. Pandže br. 4
Identifikacioni broj:4200158020002
Poreski broj:01700032
Transakcijski Rn. broj:1291061000136786 HVB-CentralProfit banka
Transakcijski Rn. broj:1020500000008825 Union banka
kojeg zastupa direktor Salih Selmanović, dipl.ing.maš (u daljem tekstu: Prodavac),

- i
2. **Srednja ekonomska škola -Sarajevo**

Ul. Zmaja od Bosne 39.

Identifikacioni broj: 4200682720003

Poreski broj: 01702911

Transakcijski račun: 1291011000088531 HVB CPB

koju zastupa: direktor Serdarević Avdija (u daljem tekstu-Kupac),

I PREDMET UGOVORA

Član 1.

Predmet ovog Ugovora je snabdijevanje prirodnim gasom Kupca od strane Prodavca, način utvrđivanja preuzetih i isporučenih količina, način obračuna, fakturisanja i plaćanja, te međusobna prava i obaveze ugovornih strana u vezi sa predmetom ovog ugovora

II KOLIČINE I DINAMIKA ISPORUKE GASA

Član 2.

Prodavac će za potrebe Kupca nabavljati i isporučivati planirane i najavljene količine prirodnog gasa.

Kupac koji troši godišnje više od 4000 Sm³ prirodnog gasa obavezan je Prodavcu dostavljati plan potrebnih količina prirodnoga gasa najkasnije (4) četiri mjeseca prije isteka tekuće godine za narednu godinu, razrađen po mjesecima i mjernim mjestima potrošnje.

Radi lakše izrade dinamičkog plana potrošnje prirodnog gasa, Prodavac će Kupcu blagovremeno dostaviti uputstvo sa obrascem za planiranje potrošnje prirodnog gasa.

Član 3.

Ukoliko Kupac ne dostavi Prodavcu plan potrebnih količina prirodnog gasa, razrađen po mjesecima i potrošnim mjestima neće biti u prioritetu snabdijevanja, a niti je Prodavac obavezan obezbijediti zahtjevanu isporuku prirodnog gasa od strane Kupca.

Član 4.

Planirane i najavljene količine prirodnog gasa koje će se isporučivati po mjesecima i potrošnim mjestima nemogu biti manje od 90%, a niti veće od 110% u odnosu na planom utvrđene količine. Dnevna odstupanja isporuka prirodnog gasa po potrošnim mjestima mogu iznositi najviše +/-10%, a utvrđuju se na osnovu planirane mjesečne potrebe i broja dana u određenom mjesecu, (prosječna dnevna količina).

Član 5.

Ukoliko Prodavac iz opravdanih razloga ne bude u mogućnosti Kupcu obezbijediti i isporučiti potrebne količine gasa, ugovorne strane su saglasne da će Kupac prihvatiti količine gasa koje mu Prodavac u datim okolnostima isporuči.

U slučaju iznimno niskih temperatura okoline u Kantonu Sarajevo, kod smanjenih količina dotoka prirodnog gasa i povećane potrošnje, Prodavac zadržava pravo da pristupi racionalnom rasporedu raspoloživih količina gasa.

U tom slučaju Kupac je dužan za vrijeme trajanja takvih okolnosti na zahtjev Prodavca obezbijediti i koristiti alternativno gorivo.

Za svu štetu na instalacijama Kupca u slučaju nepridržavanja ovakvog režima isporuke gasa, Prodavac ne snosi nikakvu krivnju.

Član 6.

Ukoliko INO isporučilac ili uvoznik budu zahtjevali od prodavca plaćanje nepreuzetih količina prirodnog gasa definisanih u čl.4 ovog ugovora, ta obaveza će biti prenesena na Kupca pod istim uslovima.

III PRIMO-PREDAJA GASA

Član 7.

Prirodni gas je isporučen Kupcu, a Kupac je primio isporuku u momentu prolaska gasa kroz mjerne uređaje protoka gasa instalisane na mjestima potrošnje Kupca.

Utvrdjivanje isporučenih i preuzetih količina prirodnoga gasa vrši se najmanje jedanput mjesečno, zadnji dan tekućeg mjeseca ili prvi dan narednog mjeseca.

Član 8.

Kupac je dužan obavijestiti Prodavca odmah nakon što primjeti da mjerno-regulacioni uređaji nisu u funkciji ili rade neispravno a najkasnije, u roku od 8(osam) sati nakon što je primjetio da mjerni uređaji stoje ili registruju nelogične količine prirodnoga gasa.

Prodavac je dužan odmah nakon saznanja za smetnje u mjerenju protoka gasa zamijeniti mjerni uređaj ili njegove dijelove, ili na drugi način otkloniti nastale smetnje.

Član 9

Kupcu nije dozvoljeno, bilo kakvo intervenisanje na mjerno-regulacionim uređajima i svako neovlašteno intervenisanje na istim, biće sankcionisano u skladu sa Zakonom.

Član 10.

U skladu sa članom 40. Zakona o komunalnim djelatnostima (Službene novine Kantona Sarajevo br. 31/04), troškove izgradnje priključka i nabavke mjernih, regulacionih i drugih uređaja snosi Kupac, a vlasništvo istih prenosi na distributera koji to unosi u stalna sredstva, sa obavezom Prodavca da vrši periodični pregled, kontrolnu i održavanje distributivne gasne mreže i mjerno-regulacionih uređaja, u skladu sa tehničkim pravilima i zakonskom regulativom.

Član 11

Za bilo kakve izmjene gasnih unutarnjih instalacija i povećanje kapaciteta trošila u odnosu na odobrene projekte potrebno je ponovo obezbijediti odobrenje Prodavca gasa.

Član 12

Kupac ne može bez saglasnosti Prodavca priključivati druge Potrošače na svoje gasne instalacije niti može vršiti preprodaju gasa.

IV CIJENE PRIRODNOG GASA

Član 13

Strukturu prodajne cijene čine nabavna cijena prirodnog gasa koju utvrđuje Vlada Federacije BiH (objavljuje se u „Službenim novinama F BiH“), i cijene distribucije koju utvrđuje Vlada Kantona Sarajevo (objavljuje se u „Službenim novinama Kantona Sarajevo“), s tim da se na fakturisani iznos zaračunava PDV.

Član 14

Prilikom utvrđivanja količina za obračun i fakturisanje prirodnog gasa izmjerena količina se koriguje za procenat odstupanja stvarne toplotne moći od referentne vrijednosti prirodnog gasa utvrđene pri standardnim uslovima.

Utvrđivanje referentne toplotne vrijednosti prirodnog gasa pri standardnim uslovima je u nadležnosti državnog Instituta za standarde, mjeriteljstvo i intelektualno vlasništvo Bosne i Hercegovine.

V OBRAČUN, FAKTURISANJE I NAČIN PLAĆANJA

Član 15

Obračun i fakturisanje isporučenih i preuzetih količina gasa, vršiće se mjesečno u KM, a na bazi utvrđenih količina evidentiranih prilikom redovnog očitavanja potrošnje, kao i odobrene prodajne cijene gasa.

Član 16

Svoju obavezu za preuzete količine prirodnog gasa Kupac je dužan izmiriti u roku od 8 dana od dana prijema fakture.

Član 17

Ako Kupac gasa ne izvrši svoju obavezu plaćanja u roku od (8) osam dana od dana prijema fakture Prodavac ima pravo zaračunati kupcu zakonsku zateznu kamatu za period docne (kašnjenja).

Član 18

Ukoliko Kupac, ne izmiri obavezu plaćanja za utrošeni gas u ugovorenom roku, Prodavac će poduzeti slijedeće:

- dostaviti opomenu Kupcu zbog neplaćanja;
- nakon isteka 3 dana od opomene Prodavac će isključiti dotok gasa i
- izvršiti utuženje Kupca 7 dana nakon isključenja

Prodavac zadržava pravo zahtjevati ili безусловnu bankarsku garanciju jednomjesečne potrošnje gasa kupcu u slučaju neredovnog izmirenja duga za utrošeni gas.

Član 19

Ponovno uključenje podrazumjeva izmirenje cjelokupnog duga od strane Kupca, plaćanje stvarnih troškova ponovnog priključenja i prezentiranje projektne i atestne dokumentacije.

Po zahtjevu Kupca, u skladu sa predhodnim stavom prodavac će postupiti u roku od 3 dana. Ukoliko sa izlaskom na lokaciju Kupca utvrde nedostaci na instalaciji i uređajima koji mogu ugroziti bezbjednost kupca i okoline, Prodavac neće izvršiti ponovno uključenje.

Član 20

Kupac se obavezuje da će prijaviti Prodavcu ugradnju svakog novog gasnog aparata. Za slučaj da Kupac ima namjeru vršiti građevinske izmjene u objektu potrebno je da obezbijedi predhodnu saglasnost prodavca. Prodavac je dužan izdati energetska saglasnost za povećanje priključne snage Kupca ako po njegovoj procjeni postoje energetske i tehničke mogućnosti na postojećoj distributivnoj mreži.

Član 21

Kupac preuzima obavezu da obavjesti prodavca nakon što primjeti da mjerno-regulacioni uređaji nisu u funkciji ili je došlo do oštećenja koje može uzrokovati netačno mjerenje, odnosno registruju nelogične količine potrošnje prirodnog gasa i to u roku od osam (8) sati od ove konstatacije. Prodavac je dužan odmah nakon dobijanja obavještenja iz predhodnog stava ovog člana preduzeti aktivnosti na otklanjanju smetnji u mjerenju protoka gasa, bilo zamjenom njegovih dijelova ili kompletnog mjernog uređaja.

Član 22

Ukoliko INO- isporučilac prirodnog gasa ili uvoznik budu zahtijevali plaćanje prirodnoga gasa unaprijed, ta će obaveza biti prenešena na Kupca pod istim uslovima.

VI VIŠA SILA

Član 23

Ugovorne strane nisu dužne izvršavati svoje obaveze po ovom ugovoru ako je izvršenje postalo nemoguće usljed dejstva više sile, a u skladu sa Zakonom o obligacionim odnosima.

Pod dejstvom više sile između ostalog smatraju se teška oštećenja gasovodnih sistema i kotlovskih postrojenja, eksplozije i požari, oštećenja od poplava i klizanja terena, ratna dejstva ili sprečavanje bilo koje ugovorne strane u izvršenju svojih obaveza iz ovog ugovora, a pod uslovom da ugovorna strana koja se poziva na dejstvo više sile nije kriva za njihovo nastajanje, u zemlji i zemlje kroz koje prolaze gasovodi preko kojih se snadbijevaju Kupci.

VII PRELAZNE I ZAVRŠNE ODREDBE

Član 24

Ovaj Ugovor se zaključuje na neodređeno vrijeme i odnosiće se i na eventualne pravne slijedbenike Ugovornih strana, a važi od dana obostranog potpisivanja.

Svaka strana ima pravo otkazati Ugovor putem pismene izjave naslovljene na drugu stranu i poslana preporučenim pismom uz potvrdu primitka najmanje tri (3) mjeseca unaprijed.

Na ovaj ugovor se primjenjuju odredbe Zakona o obligacionim odnosima, ukoliko samim tekstom ugovora nije drugačije regulisano.

Član 25

Za rješavanje eventualnih sporova iz ovog Ugovora nadležan je sud u Sarajevu.


Član 26

Ugovor je sačinjen u 4 (četiri) istovjetna primjerka, po 2 (dva) za svaku ugovornu stranu.

Član 27

.Stupanjem na snagu Ugovora prestaje da važi Ugovor o snabdjevanju prirodnim gasom br.162/98 Anex 162 od 22.09.1998 godine.


ZA KUPCA
Direktor
Serdarević Avdija
Serdarević Avdija


ZA PRODAVCA
Direktor
Salih Selmanović
Salih Selmanović dipl. ing.maš.

Broj: 1853 /07

Broj: 287 /07

20 -07- 2007